



REPUBLIKA E KOSOVËS / REPUBLIKA KOSOVA

GJYKATA THEMELORE GJILAN

Numri i lëndës: 2021:224479
Datë: 07.06.2022
Numri i dokumentit: 03103991

K.nr.1008/21

Gjykata Themelore Gjilan, Departamenti i Përgjithshëm-Divizioni për Kundërvajtje, sipas gjyqtarit Menderes Behluli dhe zyrtares ligjore Erzë Mustafa, duke vendosur në procedurën kundërvajtëse kundër të pandehurit R. A nga fsh.... K.Gjilan, për shkak të veprës kundërvajtëse të paraparë dhe sanksionuar me dispozitat e nenit **36 paragrafi 3**, të Ligjit mbi Pyjet nr.2003/3, Ligjit nr.2004/29 dhe nenit 14, të Ligjit nr.03/L-153/2010 mbi ndryshimin dhe plotësimin e Ligjit nr. 2003/3 për Pyjet e Kosovës i Kuvendit të Kosovës, e konform nenit 55 pika 1 dhe 2, 86, 119 dhe 124, të Ligjit mbi Kundërvajtjet, me datën **07.06.2022** shpall këtë:

A K T G J Y K I M

Kundër të pandehurit R. A nga babai E..., i lindur më ..., me numër personal ..., nga fsh.P... K.Gjilan ku edhe jeton, i pa punë, i pa martuar, i gjendjes së dobët ekonomike, shqiptar, shtetas i Republikës Kosovës.

Ë S H T Ë P Ë R G J E G J Ë S

Sepse me datën **21.09.2021** aty rreth orës **16:00** min. i lartëpërmendurin është takuar në vend të ngjarjes në territorin e fshatit Pogragjë, në vendin e quajtur “Jastrebac”, duke prerë me sharrë motorrike 119 copa dru bungu, me diameter 8-10 cm, me gjatësi 5 m, e që bartjen e bënte me traktor “IMT 539”, i njejtë Agjencisë Pyjore i ka shkaktuar dëm në vlerë prej 252.16 euro.

-me ç’veprim ka kryer veprën kundërvajtëse, të paraparë dhe sanksionuar me dispozitat e nenit **36 paragrafi 3**, të Ligjit mbi Pyjet nr- 2003/3, Ligjit nr-2004/29 dhe nenit 14, të Ligjit nr. 03/L 153/2010, mbi ndryshimin dhe plotësimin e Ligjit nr, 2003/3, për Pyjet e Kosovës i Kuvendit të Kosovës, andaj

D E N O H E T

Me dënim me gjobë në larësi prej **150 (njëqindpesëdhjetë) €**, të cilën gjobë, i pandehuri është i obliguar ta paguaj në afatin prej 15 ditësh, nga dita e plotfuqishmërisë së këtij aktgjykimi, nën kërcënim të përmbartimit me dhunë.

I pandehuri obligohet që në emër të paushallit gjyqësor t'i paguajë kësaj gjykate shumë prej **5 €**, në afat të njëjtë sikurse gjobën, konform nenit 109 paragrafi 1 pika 6, të LMK-së.
Nga një kopje e aktgjykimi t'iu dorëzohet palëve në procedurë.

A r s y e t i m

A.P.K–ja, në Gjilan, me datën **22.09.2021** ka paraqitur kërkesën me nr...., për inicimin e procedurës kundervajtëse, kundër të pandehurit të lartëshenuar dhe ka kërkuar që i njëjti të shpallet fajtor dhe ndëshkohet sipas ligjit.

Gjyqtari shqyrtoi kërkesën dhe konstatoi se e njëjta është e ligjshme.

Gjykata me qëllim të vërtetimit të plotë të gjendjes faktike ftoi të pandehurin me ftesë që të paraqitet në gjykatë, i cili në deklaratën e tij theksoi se është e vërtetë se me datën **21.09.2021** në ora **16:00** min, vërtetë ka shkuar në pyll shtetëror për ti mar disa dru të thata nëpër pyll, nuk përjashtohet mundësia që e ka prerë edhe ndonjë të njomë të thyer nga fryma. I njëjti ka deklaruar se ka shkuar për ti marrë për nevoja familjare pasi që është i pa punë, mbajtës familjar, me kushte të vështira materiale dhe lut gjykatën që kësaj here mundësisht ti mer parasysh këto rrethana si lehtësuese dhe me rastin e vendosjes ti shqiptoj një dënim sa më të vogël minimal.

Për vërtetimin e gjendjes faktike gjyqtari mori në pyetje personin zyrtar pylltarin O.I në cilësinë e dëshmitarit i cili deklaroi është e vërtetë se me datë **21.09.2021** në orën **16:00** min, në terrenin e fsh.Pogragjë, në vendin e quajtur “Jastrebac”, të lartëpërmendur dhe ka takuar në vend të ngjarjes duke bërë grumbullimin e drunjëve të bungut me sharrë motorrike ku kishte prerë 119 copa, me diametër 8-10 cm, me lartësi 5 m, e që bartjen e bënte me traktor IMT 539 me ram.

Gjyqtari pas shqyrtimit të shkresave të lëndës, deklaratave të të pandehurit dhe personit zyrtar dëshmitarit erdhi në përfundim se në veprimet e të pandehurit, ekzistojnë prova të mjaftueshme, se i pandehuri është kryerës i veprës kundërvajtëse prerje dhe transportimi ilegal i druve, veprë kjo e paraparë dhe sanksionuar me dispozitat e nenit **36 paragrafi 3**, të Ligjit mbi Pyjet nr.2003/3, Ligjit nr.2004/29 dhe nenit 14, të Ligjit nr.03/L-153/2010 mbi ndryshimin dhe plotësimin e Ligjit nr.2003/3 për Pyjet e Kosovës i Kuvendit të Kosovës, për të cilën të njëjtin e shpalli përgjegjës dhe e ndëshkoi si në dispozitiv të këtij Aktgjykimi.

Gjyqtari me rastin e shqyrtimit të dënimit mori për bazë të gjitha rrethanat lehtësuese dhe rënduese konform nenit 31 të LMK-së, pati parasysh peshën dhe pasojat e veprës kundërvajtëse, rrethanat në të cilën është kryer vepra kundërvajtëse dhe të njëjti i shqiptoi këtë dënimin nën minimumin e paraparë ligjor konform nenit 35 të LMK-së, me bindje se edhe me një dënim të këtillë do të arrihet efekti i dënimit tek i pandehurit që në të ardhmen mos të kryej vepra të tilla kundërvajtëse .

Nga të cekurat e mësipërme u vendos si në dispozitiv të këtij Aktgjykimi.

Numri i lëndës: 2021:224479
Datë: 07.06.2022
Numri i dokumentit: 03103991

**Gjykata Themelore Gjilan, Departamenti i Përgjithshëm
Divizioni për Kundërvajtje,
Me datën 07.06.2022**

**Zyrtarja ligjore,
Erzë Mustafa**

**Gjyqtari,
Menderes Behluli**

UDHËZIM MBI MJETIN JURIDIK: Kundër këtij aktgjykimi, paraqitësi i kërkesës dhe pala e pandehur mund të paraqesin ankesë në afat prej 8 ditësh pas marrjes së të njëjtit, Gjykatës së Apelit-Divizioni për Kundërvajtje në Prishtinë, ankesa dorëzohet përmes kësaj Gjykate.